



UNIVERSITÄTS-  
BIBLIOTHEK  
PADERBORN

# **Claudii Fleurii Abbatis Historia Ecclesiastica**

Ab Anno 313. Usque Ad Annum 361

**Fleury, Claude**

**August. Vind. [u.a.], 1758**

**VD18 90117778**

§. 23. Epistola Synodalis.

---

[urn:nbn:de:hbz:466:1-66022](https://nbn-resolving.org/urn:nbn:de:hbz:466:1-66022)

menas instruere; portas ipsæ obsidebant ex illa Ecclesiæ parte, qua mulieres stabant, a viris separatae; ad ipsum Baptis- mum in deponendis, & resumendis vestibus mulieres adjuvabant, ut omnia decenter fierent.

Ultimus Canon de simplici cæremonia agit his verbis: *Quia sunt, qui die Dominica tempore Paschali genua flectunt, ut omnia in omnibus Diæcesibus uniformiter fiant, S. Concilium jussit, ut his diebus Christiani stantes ad Deum orent.* Ex his videtur, quam sollicite Patres etiam minoris momenti traditiones retinuerint, si fuerint antiquæ, hujus autem jam Tertullianus meminerat. Hi sunt viginti Concilii Nicæni Canones. Tanta hujus Concilii fuit reverentia, ut ejus Nomine multi Canones, quos non condidit, fuerint acceptati. Christiani Orientales novissimi temporis totam antiquam Ecclesiæ Disciplinam eidem adscripserunt, estque illud, quod Canones Arabicos Concilii Nicæni vocant.

### §. XXIII.

#### *Epistola Synodalis.*

Patres, antequam separarentur, Epistolam Synodalem scripserunt, præcipue ad Ecclesiam Alexandrinam directam, utpote quam omnia in Concilio acta maxime

Sæculum IV.  
A. C. 325.

*Epiph.  
expos.*

*Tertull. de  
Cor. c. 3.*

Sæculum IV. xime respiciebant; dirigitur quoque ad  
 A. C. 325. omnes Fideles Ægypti, Pentapolis, Lybiae, & omnes Ecclesias, quæ sub cælo sunt. Exordio Episcopi se Dei Gratia, & Constantini Imperatoris ex diversis Provinciis collectos esse agnoscunt. Tum subjungunt: *Ante omnia Arii, & Sæctorum ejus impietas Imperatore præsentate examini subjecta est, atque una voce omnes statuerunt, ipsum, Doctrinam ipsius impiam, verba & cogitationes anathematizare; blasphemabat enim in Filium Dei, dicens; esse ex nihilo productum, non fuisse, antequam generaretur, & fuisse tempus, quo non existerit. Suo libero arbitrio vitii capacem esse, aut virtutis, denique esse creaturam.* S. Concilium hæc omnia anathematizavit, cum vel tantum pronuntiari haud patienter tulisset. *Quid ipso Ario factum, aut jam scitis, aut satis audietis, nolumus videri insultare homini, dignum suo crimine pœnam ferenti.* Hoc de Arii exilio intelligendum, quo eum Imperator statim multavit, non enim nisi post aliquot abhinc annos mortuus est. Tum in Epistola Synodali hæc sequuntur: *Impietatis ejus venenum Theonam quoque ex Marmarica, & Secundum ex urbe Ptolemaide infecit, quos eadem pœna secuta est.* Deinde, quæ de Meletianis acta fuerant, enarrant, sicut superius relatum est.

Sup. §. 15.

est, reliqua Episcopo Alexandro com-  
mittentes, cujus participatione, & au-  
toritate omnia facta. Tum etiam De-  
cretum de Paschate referunt, & addunt:  
*Igitur gaudium sit omnibus vobis, quod  
Pax, & unio in Ecclesia restituta, &  
cunctæ hæreses extirpatæ; summo hono-  
re, & charitate Alexandrum Collegam  
nostrum, Episcopum vestrum recipite,  
cujus præsentia omnes lætati sumus, qui  
tam provecta ætate tot labores suscepit,  
ut vobis pacem procuraret. Ultimo se  
precibus eorum commendant.*

Sæculum IV.  
A. C. 325.

§. XXIV.

*Epistola Imperatoris pro Decreto-  
rum Observatione.*

Imperator Constantinus simul duas scri-  
psit Epistolas, ut Decreta Concilii pu-  
blicaret, & absentibus nota faceret. Pri-  
ma ad omnes Ecclesias dirigitur, & mul-  
tis explicat, quæ paucis damus; Quæ-  
stionem fidei fuisse examinatum, & ita  
discussam, ut nulla difficultas, nullum  
dubium superesse possit. Unanimiter  
statutum, Pascha ubique eadem die ce-  
lebrandum, ne aliquid Christianis in hac  
cæremonia cum Judæis commune esset.  
Omnes, ut debitam Concilii statutis obe-  
dientiam præstent, exhortatur, adjectis  
verbis notatu dignis: *Quæcunque in Sa-*  
*Hist. Eccles. Tom. III. O cris*

*Ap. Euf. III.  
vit. c. 17.  
Theod. I.  
c. 10.  
Socr. I. c. 9.  
Ibid. c. 18.  
c. 19.  
c. 20.*